

碧霞元君護國庇民普濟保生妙經 隸五

開經偈

大慈天仙聖 劫初證上真

化身為救苦 發願度天人

灾祥察善惡 休苦應元因

聖

嶽兵悉皆統 濟顯度幽沉

有念無不應 誠思即感通

志心祈福佑 皈命禮真經

元始天尊說碧霞元君護國庇民普濟保生妙經

爾時

元始天尊駕幸始青上境碧玉瓊臺陞自然百寶法座為諸侍真說一元妙化至玄上道是時

天尊光映萬天仙樂白鳴天花徧滿異香飛

揚諸天諸帝三界群真雲集臺下作禮既畢

環拱座前咸聽說法時有五嶽獻花四清貢

寶班集中有一真人名曰鬱羅出班端跪上

白 天尊曰臣昔宿何緣得侍玉陛幸聞至道深

荷

恩慈若化所司愚懷未悟切以下界生民生生化化各有神司判注天人悉由東嶽碧霞元君亦主泰山證位緣何願聞道因 天尊曰善哉斯問汝復其位吾為宣說天地

既判五嶽奠方萬物生春萬化始東東嶽注生燮理元工上古生人稟性貞良克全忠孝生而多壽死而往生元無愆累無復幽冥不失本真往生善道末世人民行違古道心生巧術不忠君王不孝父母不敬師長不友兄弟恃強凌弱安行爭奪殺盜淫濼積三光

不懼神明及有婦女罔知宿世因緣今受如是身命不自悔悟妄起貪嗔欲富憎貧怨天恨地侮慢公姑欺辱妯娌忍為不仁作踐兒女淫祀邪神暗行咒詛為惡種種報對無停

是時元君已證太一青玄之位觀見眾生受此况淪悲慈不已為化女流普度群生於四月十八日分真化炁現是慈顏降泰山靜居上境復鍊元真功周億劫慈光洞照徧徹幽微應九炁以生生體一元而化化神功莫

測浩德難量惠溥天民傾土皈仰受命

玉帝證位天仙統攝嶽府神兵照察人間善惡罪福照報感應速彰真人稽首問曰奸人巧詐口是心非何由照察 大尊告曰人之元神稟受於天善惡初萌神

明即照雖處幽隱心跡自露舉一善念昭顯若光之影人不能見神已鑒之即有掌善之神記於善籍舉一惡念響應如谷裏之聲人不能聞神已聞之即有掌惡之神記於惡籍善惡之作雖殊感召之速則一真人再拜問

曰報應驗亦未得聞 天尊告曰神聖功用無有聲色但假人事點寓神機凡人動作之際遭逢善事是為善報遭逢惡事是為惡報或遭車馬舟航之沉落或遭猛火洪水之焚溺或遭刀兵劫賊之橫

誅或遭虎狼蟲蛇之毒咬或遭官司牢獄之刑囚或遭鬼祟邪精之纏害或遭瘟疫癘瘡之帶症或遭凶曜惡星之臨照或遭蠱毒藥毒之傷殘或遭非命橫亡之促暴一切苦厄雖係遭逢皆由惡因致罹斯苦亦有為善之

人而遭不善之事必遇善人解釋是為神護  
莫言五逆十惡之人見履安福各有本屬司  
命土地會合社令城隍里域神司告聞所隸  
獄主錄奏天帝勅令火部雷司勘驗真明候  
時誅罰帝嘗有命行下斬伐判述大神巡行

人世如有謀弑父母尊長者事雖未形心已  
萌惡即行顯戮魂下酆都加諸苦罪不得赦  
原善男信女命終之後不見地獄徑生天堂  
若生人間則居中國為男子身聰明富貴而  
獲壽年真人問曰善惡往因昭報於世何以  
見之

天尊曰欲知往生當觀今生欲知來世當觀  
今世今若生於王宮國戚侯門巨室及於清  
閒福地身心不勞安樂康榮此是三世良因  
今世雖或生於人中眼目盲瘡瘡毒纏身不  
得安愈乞丐道途不刑自痛泣地號天此是  
往生不敬天地三光不信三寶誹謗經文今  
受斯報或腐唇關鼻手攣足跛人所憎棄此  
是往生呵風罵雨毀罵父母公姑倚仗血氣  
凌壓平人今受斯報或遺產難不順分規或

子存母喪或母子俱亡此是往生操墮胎嬰  
拋棄兒女殘悞托生今受斯報或痴聾啞啞  
難聽難言此是往生巧運心機哄嚇痴愚今  
受斯報或衣不護寒食不濟餓死於溝壑暴  
露尸骸此是往生不惜五穀作踐綾羅今受

斯報或為女流生於卑賤之中友遭寇夷虜  
掠者此是往生倚恃克強姦欺良善今受斯  
報種種果報說不可盡俱係前因判注無錯  
若不悟悔前非斷惡修善復生於鱗介毛羽  
爪牙蹄角之類其中多受鞭撻屠割烹煎復  
化微蟲難復人身真人聞是惡報稽顙拜曰  
下民無知一如赤子以何熏修得免斯報伏  
望

天尊恩廣好生開明善道  
天尊告曰碧霞元君雖曰罰惡意在度人但  
能自新無不赦度所有神咒能解宿愆吾為  
宣說  
大道之始 無象無言 天地既開  
萬神司權 泰山岱嶽 奠靖坤元  
中有元君 號曰天仙 始證帝真

位居碧天 為化衆生 示現慈顏  
大顯神通 威德孔宣 安民護國  
警世敦元 輔忠助孝 翼正扶賢  
保生益算 延嗣綿綿 消災化難  
度厄除愆 驅瘟攝毒 剪崇和寬

緣度官將 誦令威嚴 不仁不義  
忤逆克頑 不尊正道 化微塵烟  
敢有咒詛 押送鄴山 魂繫幽司  
萬劫不原 下民有禱 無願不全  
大慈應感 溥濟人天

天尊謂鬱羅真人曰若人一念回心皈依正  
道心神內靜結習外消便請清戒道士成就  
觀宇或于家庭嚴潔齋壇盡心建善誦誦是  
經或三五七遍或至百遍千遍皈命元君焚  
香懺悔注想慈容儼然如狂五體投地百拜  
祈恩即得罪銷黑書徑除獄府身家靈吉禍  
患消弭出入亨通動居利泰九玄七祖咸得  
逍遙真人聞是利益踴躍懽忻目今得遇是  
經願為流布人間俾令兆民咸歸仁化齊興  
慈讓保國清平真人再拜而說讚曰

皈命碧霞經 宿業解三生  
 轉誦碧霞經 災難不臨身  
 仰體碧霞經 默有鬼神欽  
 恪禮碧霞經 家眷保安寧  
 存想碧霞經 精氣神光融

敬慕碧霞經 福祿壽齊增  
 佩帶碧霞經 邪惡不敢侵  
 誦演碧霞經 田宅益興隆  
 供養碧霞經 火盜永不生  
 讚誦碧霞經 萬願悉如心

天尊曰：仁執鬱羅能為天人，遂其利樂，功德無量，宜進仙勳。

天尊說經法已，駕返清都，諸天仙眾頂禮奉送，慶會難言。是時真人下傳世間，以廣宣化。元始天尊說碧霞元君護國庇民普濟保生

妙經終

天仙碧霞寶誥

泰山上頂東嶽內宮，曩時現王女之身，根本即帝真之質，膺九炁而垂慈示相，冠百靈而智慧圓融，行滿十方，功周億劫，位證天仙之

號冊顯碧霞之封，統嶽府之神兵，掌人間之善惡，尋聲赴感，護國安民，大聖大慈，至孝至仁，天仙王女，廣靈慈惠，恭順溥濟，保生真人，護國庇民，宏德碧霞元君。

正一天師清微弟子 洪百堅 製作

道教學術資訊網站

太上大聖朗靈上將護國妙經

爾時

與國太平，天尊義勇武安王漢壽亭侯關大元帥，勒封崇寧真君聖父聰明正直忠翊仁聖明王聖母助順明素元君神子聖孫恭謀

誥六

大將麾下左右統兵分兵之神，伏兵降兵之神，藏兵收兵之神，布陣擺陣之神，團陣走陣之神，水陣火陣之神，八方八煞四方四勇天丁制電轟雷騰雲致雨鳴鑼擊鼓發蹄施令將軍合司文武公卿玉泉山得道仙真

吾授

玉帝勅命三界都總管雷火瘟部冥府酆都御史提典三界鬼神吾今登壇示知爾眾日在天中心在人中日在天中普照萬方心在人中不容一私寧為忠臣而不用母邪媚以欺君寧為孝子而不伸母忿戾以對親無論綱常倫理無論日用細微皆當省身寡過不可利己損人一念從正景星慶雲一念從邪厲氣妖氛善惡明如觀火禍福應若持衡凡我舍生總盟此心吾司雷部霹靂奏疏速上